



*Assòtziu Regionale  
de sas Comunas de sa Sardigna  
Casteddu*

*Prot. n.1172*

Casteddu, 11 de su mese de Nadale de su 2020

A sos Sindigos  
de sas Comuna de sa Sardigna  
in sa sede issoro

Ogetu: “Fermenti in Comune” (Fermentos in sa Comuna)– Avisu Pùblicu pro sa presentazione de sas propostas progetuales de sos giòvanos protagonisti pro su isvilupu de su territòriu.

Pro oportuna conoschèntzia, si comunicat chi est istadu publicadu: “Fermentos in sa Comuna” – Avisu Pùblicu pro sa presentazione de sas propostas progetuales e sos giòvanos protagonisti pro su isvilupu de su territòriu, destinadu a totus sas Comunas Italianas, in atuazione de s’acordu istipuladu su 20 de su mese de Nadale de su 2019 tra sa Presidèntzia de su Consìgiu de sos Ministros, Dipartimentu pro sas políticas pro sos giòvanos e pro su servìtziu tzivile Universale e s’ANCI pro s’impreu de su dinari chi est destinadu a sos Entes Locales dae su “Fundu pro sas políticas giovàniles” pro s’annualidade 2019.

S’avisu at s’obietivu de suportare su cumintzu o su afortigamentu de atziones positivas posta in campu dae sos giòvanos pro afrontare sas “isfidas sotziales” ritènnidas prioritàrias pro sas comunidades, essende a conoschèntzia chi sos progetos de sos giòvanos sunt unu fattore de importu mannu pro contribuire a sa crèschida de sas políticas de isvilupu locale. Sas propostas progetuales pro podere èssere finantziadas divent sighire sas linias detadas dae sas caraterìsticas, dae sos bisòngios e dae sas potenzialidades de sos territòrios.

S'avisu, cun una dotazione finanziària pagu prus o mancu de 5 milliones de èuro, est destinadu a totus sas Comunas italianas, partzidos in 3 fàscias in base a sa mannesa, comente benit descritu:

- Comunas cun populatzione residente finas a 15.000 abitanes: podent collire unu finanziamentu natzionale de 60.000€ pro ogni s'ingulu progetu.
- Comunas cun populatzione residente dae 15.001 finas a 100.000 abitanes: podent collire unu finanziamentu natzionale de 120.000€ pro ogni s'ingulu progetu.
- Comunas cun populatzione residente prus arta de 100.001 abitanes: podent collire unu finanziamentu natzionale de 200.000€ pro ogni s'ingulu progetu.

S'iscadèntzia pro s'imbiu de sa documentatzione est fissada pro sa die 18 de se mese de Ghennarzu de su 2021.

Si podent imbiare rechestas de acramentu subra sas modalidades de partetzipatzione iscriende a s'indirizzu e-mail: [bandigiovani@anci.it](mailto:bandigiovani@anci.it)

In su link chi sighit, si podet iscarrigare s'Avisu Pùblicu e totu sa documentatzione alligada <http://www.anci.it/bando-fermenti-in-comune-da-60-mila-a-200-mila-euro-per-attivare-progetti-locali-per-i-giovani/>

Saludos Mannos

Su Direttore  
Daniela Sitzia



**Istituto Camillo Bellieni**  
Ricerca Formazione Consulenza  
Lingue Letterature Saperi Luoghi